

ಪೌಲನು ಕೊಲೊಸ್ಸೆಯರಿಗೆ ಬರೆದ ಪತ್ರಿಕೆ ಪೌಲನೆ ಕೊಲೊಸ್ಸೆವಾಳಾನ ಲೀಖ್ಯೋತೆ ಚಿಟ್ಟಿ ಮಾಲುಮ್ ಕರಾನು

ಕೊಲೊಸ್ಸೆವಾಳಾನ ಲೀಖ್ಯೋತೆ ಆ ಚಿಟ್ಟಿನ ಅಪೊಸ್ತಲ ಪೌಲನೆಲಿಖ್ಯೊ 1:1 ಇನು ಆ ಚಿಟ್ಟಿ ಕ್ರಿಸ್ತನಿ ಪೈದಾಖ್ತಿನ ವಾರ್ ಘಣೇಥಿ ತೀನಿಖ್ತೆನು ವರಖ್ತೆಮ ಲೀಖಿರಾಖ್ಯೊಸ್ ಆ ವೇಳ್ತೆ ಯೊ ಘಣೇಥಿ ರೋಮ್ನಿ ಖ್ಹಾರ್ಕೊಟ್‌ಮ ಥೊ. ಕೊಲೊಸ್ಸೆವಾಳಾನ ಲೀಖ್ಯತೆ ಚಿಟ್ಟಿಬಿ, ಜೋಡ್ತೆ ಎಫೆಸವಾಳನ ಲೀಖ್ಯತೆ ಚಿಟ್ಟಿಬಿ, ಅಝು ಫೀಲೆಮೋನ್‌ನ ಲೀಖ್ಯತೆ ಚಿಟ್ಟಿಬಿ ಆ ಅಖ್ತಾನ ಖ್ಹಾರ್ಕೊಟ್‌ನಿ ಚಿಟ್ಟಿ ಕರಿ ಬೋಲಸ್. ಶನಕತೊ ಆ ಚಿಟ್ಟಿ ಲೀಖಾನಿ ವಖ್ತೆತೆ ಯೋ ಖ್ಹಾರ್ಕೊಟ್‌ಮ ಥೊ. ಆ ಚಿಟ್ಟಿನ ಯೋ ಕೊಲೊಸ್ಸೆ ಖ್ಹಯೇರ್ನ್ ಸಬೇನ ಲೀಖಿರಾಖ್ಯೊಸ್. 2:1 ವಚನ್‌ಮ ಬೋಲೈರೊಸ್ತೆ ತಿಮ್ ಕೊಲೊಸ್ಸೆ ಸಬೇನ ಪೌಲನೆ ಶುರು ಕರೈದೊಕೊಯ್ತೆ. ಕತೋಬಿ ಇನಿ ಬಾರೇಮ ಥೋಡಿ ಜಿಮ್ಮೆದಾರಿನ ಪಾಡಿರಾಖ್ಯೊಥೊ. ಎಫೆಪ್ರಾಸನೆ ಕೊಲೊಸ್ಸೆವಾಳೊ ಹುಯಿರೊಥೋತೆ ಇನಖ್ಹಾಜೆ ಇನೇಸ್ ಆ ಸಬೆನ ಭಾಂದ್ಯೊ ಕರಿ ಬೋಲೆಜಾಯ್.

ಪೌಲನೆ ಕೊಲೊಸ್ಸೆ ಸಬೇಮ ಥೂತೆ ಥೋಡಿ ಝೂಟಿ ಬೋಧನೆ ಚಾಲಸ್ ಕರಿ ಬೋಲಾನಿ ಬಾರೇಮ ಬರೋಬರ್‌ಥಿ ಖ್ಹಯಾಲ್ ಕರೀನ್ ಲೀಖಿರಾಖ್ಯೊಸ್. ಆ ಚಿಟ್ಟೇಮ ಘಣೇಥಿ ಆ ವಿಚಾರ್ನ್ ಬಾರೇಮಸ್ ಲೀಖಿರಾಖ್ಯೊಸ್. ಯೆಹೂದ್ಯ ವಿಶ್ವಾಸಿಮ ಏಕ್ ಟೋಳ್ ಥು. ಇವ್ಣೆ ಯೆಹೂದ್ಯರ್‌ಕಾಹೆತೆ ವಿಶ್ವಾಸಿನ ಜೂನಿ ಒಪ್ಪಂದಾನು ಯೆಹೂದ್ಯರ್‌ನ ಖಾನುಲ್ ಪಾಡಿಚಾಲನ ಜುಲಮ್ ಕರುಕರ್ತುಥು. ಘಣೇಥಿ ಖ್ಹತ್ತ ಕರೈಲ್ಯಾವನಿ ಬಾರೇಮ. ಪೌಲನೆ ಬರೋಬರ್‌ಥಿ ವಿಶ್ವಾಸಿಖ್ಹಾರು ದೇವ್‌ಥಿ ಸ್ವೀಕಾರ್ ಕರಿಲ್ಯಾವಾನ ಕ್ರಿಸ್ತನ ಮ್ಹೇಲಿನ್ ಬಿಜು ಖೆವಾನಿ ಅಝು ಖಿವಿ ಜರೂರತ್ ಕೊಯ್ತೆ. 1:15-20 ಅಝು ಅದ್ಮಿವ್‌ನಾಸ್ ಹೋಣುತೆ ಬೋಧನೆ ಶಾತ್ರಿ ಫಾಯಿದೊಕೊಯ್ತೆಕರಿ ಲೀಖಸ್ 2:8

ಕಾಡಿದೇಖೊ

1. ಕೊಲೊಸ್ಸೆ ಸಬೆವಾಳನ ಖ್ವಲಾಮ್ ಕರ್ತೊಹುಯಿನ್ ಚಿಟ್ಟಿನ ಶುರುಕರಸ್ 1:1-2
2. ಇನಕೇಡೆಥು ಯೋ ಕ್ರಿಸ್ತನು ಭಡಪ್ಪಣ್ಣಿ ಬಾರೇಮ ಕತೊ ವಿಶೇಷ್‌ಧಿ ಕೊಲೊಸ್ಸೆಮ ಥೂತೆ ಝೂಟಿ ಬೋಧನೆನ ಫೇಡ್‌ದ್ಯವಾನಿ ಬಾರೇಮ ಲೀಖಸ್ 1:3—3:4
3. ಪೌಲ ಕೈಏಕ್ ಚಿಟ್ಟೇಮ ಛಾತೆತಿಮ್, ಇನೆ ಚಿಟ್ಟಿನು ಅಧಾಯೆತ್ರ ಭಾಗ್ ವಿಶ್ವಾಸಿನು ಜಿವ್ಣು ಜಿವಾನ ಖ್ವಾಜೆ ಥೋಡು ಘಟ್‌ಧಿ ಬೋಲಿನ್ ವಾಟ್ ವತಾಳಸ್. 3:5—4:6
4. ಪೌಲನೆ ಖ್ವಲಾಮ್ ಕರ್ತೊಹುಯಿನ್ ಅಜ್ಜು ಚಿಟ್ಟಿನ ಅಲಕ್ ಸಬೇನ ಜೋರೇಖ್ವು ಫಡಾನಖ್ವಾಜೆ ಖ್ವಂಜ್‌ಕಾರ್ ದೇತೊಹುಯಿನ್ ಆಚಿಟ್ಟಿನ ಖ್ವತಮ್ ಕರಸ್ 4:7-18

1 ದೇವ್ನಿ ಖ್ವಂಜ್‌ನಿ ಘೋಣಿ ಯೇಸು ಕ್ರಿಸ್ತನೊ ಅಪೊಸ್ತಲ ಹುಯಿರಕ್ಲೊತೆ ಪೌಲಬಿ ಬೈಹುಯಿರಕ್ಲೊತೆ ತಿಮೊಥೆ

2 ಕೊಲೊಸ್ಸೆಮ ಕ್ರಿಸ್ತಮಛಾತೆ ಪರಿಶುದ್ಧರ್‌ನ ಅಜ್ಜು ವಿಶ್ವಾಸ್‌ವಾಳ ಹುಯಿರಕ್ಲೊತೆ ಬೈಯೇವ್ನ್ ಅಪ್ಲೊ ಬಾ ದೇವ್‌ಧಿಬಿ ಪ್ರಭು ಯೇಸು ಕ್ರಿಸ್ತಧಿಬಿ ತುಮುನ ವಾರ್‌ಖೊಬಿ ಶಾಂತಿಬಿ ಮಳಾದೆ.

ಧನ್ಯವಾದ್ನಿ ಪ್ರಾರ್ಥನೆ

3 ಹಮೆ ತುಮಾರಖ್ವಾಜೆ ಪ್ರಾರ್ಥನೆಕರಾನಿ ಖ್ವಾರಿ ವಖ್ವತ್‌ಮ ಅಪ್ಲೊ ಪ್ರಭು ಯೇಸು ಕ್ರಿಸ್ತನೊ ಬಾ ದೇವ್ನ್ ಧನ್ಯವಾದ್ ಕರಿಯೇಸ್.

4 ಶನಕತೊ ಕ್ರಿಸ್ತ ಯೇಸುಮ ತುಮೆ ರಾಖಿರಾಖ್ಯತೆ ವಿಶ್ವಾಸ್ ಅಜ್ಜು ದೇವ್ನ್ ಅಧಿವ್‌ಪರ್ ಛಾತೆ ತುಮಾರಿ ಲಾಡ್ನ್ ಬಾರೇಮ ಹಮೆ ಖ್ವಮ್‌ಜಿರಾಖ್ಯಾಸ್.

5 ಪರ್‌ಲೋಕ್‌ಮ ತುಮಾರಖ್ವಾಜೆ ಭರೋಖ್ವಾನಿ ಬಾರೇಮ ಸುವಾರ್ತೆ ಖ್ವಾಜಿ ವಚನ್‌ಧಿ ತುಮೆ ಪಹಿಲೇಸ್ ಖ್ವಮ್‌ಜಿರಾಖ್ಯಾಸ್.

6 ತುಮೆ ಖ್ವಾಜಾಮ ದೇವ್ನಿ ವಾರ್‌ಖ್ವಾನ ಖ್ವಮ್‌ಜಿನ್ ಮಾಲುಮ್ ಕರಿರಾಖ್ಯತೆ ದನ್‌ಥು ತುಮಾರಕನ ಆಯುತೆ ಯೋ ಸುವಾರ್ತೆನ

ಜಗತ್‌ಮುಖ್ಯರು ಫಲಾದಿದೂತೆ ತಿಮ್ಮಸ್ ತುಮಾರಮಾಬಿ ಫಲಾದೀನ್ ಭಡ್ತುಕರಸ್.

7 ಅನ ತುಮೆ ಹಮಾರ ಜೋಡ್ತುಪ್ಯಾರ್‌ನೊ ಸೇವಕ್ ಹುಯಿರ್ದೋತೆ ಎಪಪ್ಪಥಿ ಶಿಕಿಲಿದ. ಯೋ ತುಮಾರ ಖ್ವಾಜೆ ಕ್ರಿಸ್ತನೊ ವಿಶ್ವಾಸ್‌ವಾಳೊ ಸೇವಕ್ ಹುಯಿರ್ದೋಸ್.

8 ಪವಿತ್ರಾತ್ಮಮ ಛಾತೆ ತುಮಾರಿ ಪ್ಯಾರ್ ಮನ ಖ್ವಮ್‌ಜಾಡ್ಯೊತೆ ಇನೇಸ್.

9 ಇನಖ್ವಾಜೆ ಹಮೇಬಿ ತುಮಾರಿ ಬಾರೇಮ ಖ್ವಮ್‌ಜಾತೆ ದನ್‌ಥು ತುಮಾರಖ್ವಾಜೆ ಪ್ರಾರ್ಥನೆಕರಾನು ಭೀರಾಖ್ಯಾಕೊಂತೆ ತುಮೆ ಹರೇಕ್ ಆತ್ಮಿಕ ಖ್ವಿಯಾಲ್‌ಥೀಬಿ ಅಕ್ಕಲ್‌ಥಿ ಭರೈಜಾವ್ಲು ಕರಿ ದೇವ್ ಗಿಂಗೈಲೆವ್ ಕರಿಯೇಸ್.

10 ಪ್ರಭುನ ಪಸಂದ್ ಹುವಾನಿ ಪರಕ್ಮ ಖ್ವಾರಿಸ್ ತರಾಮ ತುಮೆ ಲ್ಹಾಯೇಕ್ ಹುಯಿನ್ ಜಿವ್ಣುಕರನ್ ಕರೀಬಿ ಹರೇಕ್‌ಥರಾನು ಅಛ್ಣುಕಾಮ್ ಕರ್ತುಹುಯಿನ್ ದೇವ್ನಿ ಅಕ್ಕಲ್‌ಮ ಭಡ್ತುಜಾವ್ಲು ಕರಿ,

11 ಇನಿ ಮಹಿಮೆನಿ ಶಕತ್ನಿ ಪರಕ್ಮ ಖ್ವಾರೀಸ್ ತಾಖತ್ನಿ ಶಕತ್ ಲೀನ್, ಖ್ವಾರೀಸ್ ತರಾಮ ಖ್ವಮಾಳಥೀಬಿ ಅಜು ಘಣಿ ಖ್ವಶಿಥಿಬಿ ರ್ವಾವವಾಳ ಕರೀಬಿ,

12 ದೇವ್ನಿ ವಿಶ್ವಾಸಿಯೇವ್ನ ಉಜಾಳಮ ಛಾತೆ ಖ್ವಾರಸ್‌ಮ ಭಾಗ್‌ಲ್ಯಾವಾನ ಖ್ವಾಜೆ ಅಪ್ಪುನ ಲ್ಹಾಯೇಕ್ ಕರೀರಾಖ್ಯೊತೆ ಬಾ ದೇವ್ನಿ ಶಂತೋಖ್ವಾಧಿ ಧನ್ಯವಾದ್ ಕರಿಯೇಸ್.

13 ದೇವ್ನಿ ಅಪ್ಪುನ ಅಂಧಕಾರ್ನಿ ಅದಿಕಾರ್‌ಮಾಥು ಫೋಡ್ಯೆನ್ ಇನ ಪ್ಯಾರ್‌ನ ಛಿಯ್ಯಾನಿ ರಾಜ್ಯಮ ಮಳ್ಳೆಲಿದೊ.

14 ಆ ಛಿಯ್ಯಾಧಿ ಅಪ್ಪ ಪಾಪ್ನ ಮಾಪಿ ಮಳ್ಳು. ಛುಟ್ಕಾರ್‌ಹುಯು.

ಕ್ರಿಸ್ತನು ಅದ್ವಿ ಅಜು ಇನು ಕಾಮ್

15 ಕ್ರಿಸ್ತ ದೇಖಾವಕೊಂತೆ ದೇವ್‌ನೊ ರೂಪ್, ಖ್ವಾರೀಸ್ ಉಬ್‌ಜಾವ್ಣಿಮ ಪೈಲೋಟೋ ಛಿಯ್ಯೊಬಿ ಹುಯಿರ್ದೋಸ್.

16 ಶನಕತೊ ಜಮೀನ್ಮ ಛಾತೆ ಪರ್ಲೋಕ್ ಛಾತೆ, ದೆಖಾವತೆ ಬಿಣ್‌ದೆಖಾವಾತೆ ಖ್ವಾರೊಸ್, ಸಿಂಹಾಸನ್ ರ್ಲವೊ, ದೇಖ್ವೊಮ ರ್ಲವಾನಿ ಕಾನೂಲ್ ರ್ಲವೊ, ಅದಿಕಾರಿಖ್ವಾರು ರ್ಲವೊ, ಇನೇಥಿ ಉಬ್‌ಜು. ಖ್ವಾರೊಸ್‌ಬಿ ಇನೇಥಿಸ್, ಇನಖ್ವಾಜೇಸ್ ಉಬ್‌ಜ್ಜಿಗಯು.

17 ಯೋ ಖ್ವಾರೇಥಿಸ್ ಪಹಿಲೆ ಥೋತೆ, ಇನಾಮ ತಮಾಮಸ್ ಛಾ.

18 ಸಬೆಕರಿ ಶರೀರ್‌ನ ಯೋ ಮುಡ್‌ಕ್ಯು ಹುಯಿರ್ರ್ಲೊಸ್. ಯೋಸ್ ಪಹಿಲೊ ಹುಯಿರ್ರ್ಲೊನ್ ಖ್ವಾರಮಸ್ ಪಹಿಲೆ ರ್ಲವಾಳೊ ಹುಯಿನ್ ಯೋ ಮರ್ಯಾಹುಯಾಮಾಥು ಆಯೋತೆ ಪೈಲೋಟೊಬಿ ಹುಯಿರ್ರ್ಲೊಸ್.

19 ಶನಕತೊ ಇನಾಮಸ್ ಅಖ್ವು ರ್ಲವೆವ್ವಕರಿ,

20 ಅಜ್ಜು ಯೋ ಶಿಲ್‌ಬೇಪರ್ ರಂಚ್ಚೊತೆ ಲ್ಲೊಯಿಥಿ ಯೋ ಸಮಾಧಾನ್ವಬಣೈನ್ ಧರ್ತಿಬಿ ಪರಲೋಕ್‌ಮ ಅಖ್ವಾಸ್ನ ಛಿಯ್ಯಾಥಿಸ್ ಇನಿ ಜೋಡ್ತರಾಜಿಕರಾನು ಬಾ ದೇವ್ನಿ ಖ್ವಾಜ್ ಹುಯಿರ್ರ್ಲೊಥಿ.

21 ಆನಾಹುಯಿನ್ ಏಕ್‌ಹಗಾಮ್ನಯೆಹೂದ್ಯರ್ ಕಾಹೇತೇಬಿ ತುಮೆ ಖರಾಬ್ ಸೋಚ್‌ವಾಳಾಬಿ ವಹೇರ್‌ನೊ ದಿಲ್‌ವಾಳಹುಯಿನ್ ದೇವ್‌ಥಿ ವಿರೋದಿಹುಯಿನ್ ದೂರ್ ಹುಯಿರ್ರ್ಲೊಸ್.

22 ಕತೋಬಿ ಇನ ಶರೀರ್‌ನು ಮರಣ್‌ಥಿ ಹಮ್ಚೆ ಯೋ ತುಮುನ ರಾಜಿ ಕರಿರಾಖ್ಯೊಸ್. ದೇವ್ ಇನಖ್ವಾಪ್ಪೆ ತುಮುನ ಪರಿಶುದ್ಧಬಿ, ದೋಷ್‌ಕೊಂತೇಬಿ, ಅಪರಾದ್‌ಕೊಂತೆ, ಭೀರಾಕ್ಚುಕರಿ ಅಮ್ ಕರಿರಾಖ್ಯೊಸ್.

23 ಆಕಾಶ್‌ನ ಹೇಟ್‌ಛಾತೆ ತಮಾಮ್ ಉಬ್‌ಜಾಪ್ಪಿನ ಅಜ್ಜು ತುಮೆ ಬೋಲಿರಾಖ್ಯಾತೆ ಸುವಾರ್ತೆನಿ ಆಖ್‌ಥಿ ಧಕೇಲೈನಾಜಾವ್ಣತೆ ಘಟ್‌ಥಿ ವಿಶ್ವಾಸ್ತು ಭೀರ್ಯಾವಾಳ ಹುಯಿರ್ರ್ಲೊತೊ, ತುಮೆ ಹದಿಪಾಯ ಅಜ್ಜು ಘಟ್‌ಥಿ ಭೀರಿಶು. ಆಸ್ ಸುವಾರ್ತೆನ ಪಾಲಕರಿ ಮೆ ಸೇವಕ್ ಹುಯಿರ್ರ್ಲೊಸ್.

ಸಬೇನೊ ಸೇವಕ್ ಹುಯಿನ್ ಪಾಲನು ಕಾಮ್

24 ಹಮ್ಮೆ ಮೇ ತುಮಾರಖ್ವಾಜೆ ಪಡುಕರೂತೆ ಖ್ವತಾಪ್ಪಿಮ ಮನ ಖುಷಿ ಲ್ಲಾ. ಕ್ರಿಸ್ತನು ವದೇಖ್ವಾಮ ಭರೂರತ್ ಛಾತೆ ಇನ ಸಬೆಕರಿ ಬೋಲಾನ ಶರೀರ್‌ನಖ್ವಾಜೆ ಮೆ ಮಾರ ಶರೀರ್‌ಮ ಖ್ವರ್ತಿಕರೂಸ್.

25 ದೇವ್ನಿ ಖ್ವೂಜ್‌ನಿತರ ತುಮಾರ ಫಾಯಿದಾನಖ್ವಾಜೆ ಮನ ದೆವಾಯುತೆ ದೇವ್ನ ಕಾಮ್ನು ಜಿಮ್ಮೆದಾರಿ ಕಿಮ್ಮಿತಿಮ್ ದೇವ್ನು ವಚನ್ನ ತುಮುನ ಬೋಲಾನ ಮೇ ಸಬೇನ ಸೇವಕ್ ಹುಯೊ.

26 ಯೋ ಪಾಲ್ಟೊಲ್ಯಾ ಹಗಾಮ್‌ಥೀಬಿ, ಜಗ್‌ಜಮಾನೇಥೀಬಿ, ಓರೆಹುಯಿನ್ ಮ್ಹೇಲ್ಯೆರೊತ್ತೆ ಗಪ್ಲತ್‌ನಿ ವಾತೆಖ್ವಾರು ಕತೋಬಿ ಹಮ್ಮೆ ದೇವ್ನ ಅದ್ಮಿವ್‌ನ ಬೋಲ್ಯೆರೊಸ್.

27 ಯೆಹೂದ್ಯರ್‌ಕಾಹೆತೆ ಅದ್ಮೆವ್‌ಮ ಆ ಮಾಯ್ನುನು ಮಹಿಮೆನಿ ಶಕತ್ ಕೆತ್ರೆಕರಿ ದೇವ್ನ ಇನ ಅದ್ಮಿವ್‌ನ ಭಡ್ಕಾವನ ಖ್ವೂಜ್ ಕರೊಸ್. ಆ ಮಾಯ್ನೊ ಶಾತ್‌ಕತೊ ಮಹಿಮೆನು ಭರೋಖ್ವಾನ ಆಧಾರ್ ಹುಯಿರೊಸ್ತೆ ಕ್ರಿಸ್ತಸ್ ತುಮಾರಮ ಲ್ಲಾ.

28 ಕ್ರಿಸ್ತ ಯೇಸುಮ ಹರೇಕ್‌ಜಣಾನಬಿ ರ್ಪೀತಾವ್‌ತಹುಯಿನ್ ಖ್ವಾರೀಸ್ ಅಕ್ಕಲ್‌ಮ ಹರೇಕ್‌ಜಣಾನಬಿ ಬೋಧನೆ ಕರ್ತೊಹುಯಿನ್ ಪೂರ ಗ್ಯಾನ್ ದೀನ್ ದೇವ್ನ ಖ್ವಾಪ್ಪೆ ಚಾತುರ್ ಕರೀನ್ ಭೀರಾಖನಖ್ವಾಜೆ ಕೋಶಿಶ್ ಕರುಕರೆಸ್.

29 ಮಾರಾಮ ಕಾಮ್ ಕರಾನಿ ದೇವ್ನಿ ಶಕಥಿ ಅನಖ್ವಾಜೆಸ್ ಮ್ಹಿನತ್ ಕರೀನ್ ಲಡೂಸ್.

2

1 ತುಮಾರ ಖ್ವಾಜೇಬಿ, ಲವೊದಿಕೀಯವಾಳನ ಖ್ವಾಜೇಬಿ ಶೊಂತ್‌ಥೀಬಿ ಮಳಾಕೊಂತೆ ಇವ್ಣಖ್ವಾಜೆಥೀಬಿ ಮೇ ಕೆತ್ರೆ ಲಡುಕರೂಸ್ ಕರಿ ಬೋಲಾನು ತುಮೆ ಮಾಲುಮ್ ಕರಿರಾಕ್ಪು ಕರಿ ಮೇ ಆಖ್ವೆಕರುಸ್.

2 ಕಿಮ್‌ಕತೊ ಇವ್ಣ ದಿಲ್ನ ಪ್ಯಾರ್‌ಥಿ ಲೀರಾಖಿನ್ ಹುಮ್ಮಖ್ವಾಹುಯಿನ್ ಮಳ್‌ಣುಕರಿ ಛಾತೆ ಪೂರ ಅಕ್ಕಲ್‌ಥಿ ಬಾ ದೇವ್ನ ಮಾಯ್ನನ ಕತೊ ಕ್ರಿಸ್ತನ ಮಾಲುಮ್ ಕರಿಲ್ಯವಾಥಿಸ್ ಹುಯಿರೊಸ್.

3 ಕ್ರಿಸ್ತಸ್ ಕೀಲಿ ಹುಯಿರೊಸ್ ಗ್ಯಾನ್, ಅಕ್ಕಲ್ ಅಜ್ಜು ಖ್ವಾರು ಧನ್‌ದೌಲತ್ ಇನಾಮಸ್ ಲಪ್ಪುಸ್.

4 ಕೋಣೆಬಿ ತುಮುನ ಇವ್ವ ಪೊಖ್ವಲಾವನಿ ವಾತೆಥೀಬಿ ಝೂಟಿ ವಾತೆಥಿ ರಗಾವ್ವನಾ ಕರಿ ಆ ವಾತೆಖ್ವಾರಿ ತುಮುನ ಬೋಲಿರಾಖ್ಯೊಸ್.

5 ಮೇ ಶರೀರಮ ತುಮಾರಕನ ನಾರ್ವೆಯೊತೋಬಿ ಮಾರೊ ಆತ್ಮಥಿ ತುಮಾರಿ ಜೋಡ್ಡ ರ್ವೀನ್. ತುಮೆ ಬರೋಬರ್ಥಿ ಚಾಲಿಲ್ಯಾವನುಬಿ ಅಜ್ಜು ಕ್ರಿಸ್ತಮ ತುಮಾರಿ ವಿಶ್ವಾಸ್ ಘಟ್‌ಲ್ಹಾ ಕರಿ ದೇಖಿನ್ ಮನ ಖುಷಿಹುವಸ್.

ಕ್ರಿಸ್ತಮ ಭರ್ಪೂರ್‌ನು ಜಿವ್ವು

6 ಇನಾಖ್ವಾಜಿ ತುಮೆ ಕ್ರಿಸ್ತಯೇಸುನ ಪ್ರಭುಕರಿ ಸ್ವೀಕಾರ್ ಕರಿಲಿದಾತೆ ತಿಮ್ಮಸ್ ಇನಾಮ ರ್ವೀನ್ ಜಿವ್ವು ಕರೊ.

7 ಇನಾಮಸ್ ಘಣು ಜುಡ್‌ಗಾರಿನ್, ಇನಾಮ ಭಂದೈಜೈನ್ ಅಜ್ಜು ತುಮುನ ಬೊಲಾಯುತೆ ಭೋದನ್ನಿ ಪರಕ್ಮಸ್ ಕ್ರಿಸ್ತನಿ ವಿಶ್ವಾಸ್ತ ಘಟ್‌ಭೀರಿನ್ ಘಣೇಥಿ ಧನ್ಯವಾದ್ ಕರಾವಾಳ ಹುಯಿರ್ವೊ.

8 ಗಲ್ಲಿನು ಅಜ್ಜು ಫಾಯಿದೊಕೊಂತೆ ಬೋಧನೆತು ಕೋಣೆಬಿ ತುಮೂನ ಕಬ್‌ಜಾಮ ನಾಕರಿಲೇವ್ವುತೆ ಹೊಷಾರ್‌ಥಿ ರ್ವೊ. ಆ ಅಖ್ಪು ಅದ್ವಿವೋನ ಪದತ್ತಿನ ಅಜ್ಜು ಲೋಕ್‌ನಹೋಣುತೆ ಬೋಧನೆಮಾಸ್ ಲ್ಹಾ ಪಣ್ಣಿ ಕ್ರಿಸ್ತಾನಕಾಹೆ.

9 ಶನಕತೊ ದೇವ್ವು ಹರೇಕ್ ಭರ್ಪೂರ್‌ನು ಜಿವ್ವು ಕ್ರಿಸ್ತನ ಶರೀರಮ ಜಿವಿರ್ವೊಸ್,

10 ಯೋಸ್ ಅಖ್ವಾಸ್ ರಾಜ್‌ನಾಬಿ, ಅದಿಕಾರ್‌ನಾಬಿ ಮುಡ್‌ಕ್ಯು ಹುಯಿರ್ವೊಸ್ತೆ ಖ್ವಾಜೆ. ತುಮೆ ಇನಾಮ ರ್ವೀನಸ್ ಅಖ್ವಾಸ್ತ ಲೀಲ್ಯಾವವಾಳ ಹುಯಿರ್ವೊಸ್.

11 ದೇವ್ವೆ ಇನಾಮ ತುಮುನ ಅದ್ವಿನ ಹಾತೇಥಿ ಕರಾನ ಕೊಹುವಾನಿತೆ ಖ್ವಿತ್ತಾನ ಕರಿರಾಖ್ಯೊಸ್. ಕ್ರಿಸ್ತನು ಖ್ವಿತ್ತ ಶರೀರನು ಪಾಪ್ಪ ಸ್ವಭಾವ್‌ನ ಕಾಡಿನಾಖಸ್.

12 ತುಮೆ ಬ್ಯಾಪ್ತಿಸ್ಮಥಿ ಕ್ರಿಸ್ತನಿ ಜೋಡ್ಡ ಗಡೈಗಯ, ಅಜ್ಜು ಇನ ಮರ್ತ್ಯಾಹುಯಾಮಾಥು ಉರಾಡ್ಲೊತೆ ದೇವ್ವಿ ಶಕತ್ತ್‌ವಿಶ್ವಾಸ್ ಕರ್ತ್ಯಾತೆ ಇನಾಖ್ವಾಜಿ ತುಮೆ ಇನಿ ಜೋಡ್ಡ ಉರೀನ್ ಆಯ.

13 ತುಮೆ ತುಮಾರ ಪಾಪ್‌ಧಿಬಿ ಅಜ್ಜು ಶರೀರ್‌ನ ಆಖ್‌ಧಿ ಛುಟ್ಟಾರ್ ಕೊಹುಯಾನಿತೆ ಇನಖ್ವಾಜೆ ಆತ್ಮಿಕ್ ಪರಕ್ತ ಮರಿರ್ದಾವಳ ಹುಯಿರ್ದಾಸ್ ಕತೋಬಿ ದೇವ್ ಕ್ರಿಸ್ತಧಿ ತುಮುನ ಜೂತುಕರ್ರೊ ಅಜ್ಜು ಅಪ್ಪಿ ಖ್ವಾರೀಸ್ ಪಾಪ್ ಮಾಪ್ ಕರ್ರೊ.

14 ಅಪ್ಪಪರ್ ಗಲತ್‌ನಾಖ್ಯಾತೆ ಹುಕುಮ್‌ನಿ ರೂಪ್ಪಧೂತೆ ಲೀಖಾಪಟ್ಟ ದೇವ್ ನೂಫಿನಾಖಿನ್ ಇನ ಶಿಲ್‌ಬೆಪರ್ ರೋಕ್ಯೆನ್ ಕೊಂತೆ ತಿಮ್ ಕರ್ರೊ.

15 ದೇವ್ ಇನ ವಿರೋದ್ ಹುಯಿರ್ದೂತೆ ರಾಜ್‌ನಾಬಿ, ಅದಿಕಾರ್‌ನಾಬಿ, ಯೋ ಅಖ್ವಾನ ಬಿಣ್ ಖಪ್ಪನ್‌ವಾಳ ಬಣ್ಣೆನ್ ಶಿಲ್‌ಬೇನು ಜೀತ್ಯ ಯೋ ಅಖ್ವಾನ ಹಿಡಿ ಜಗತ್ತ್ ಖ್ವಾಮ್ಣೆ ವತಾಳ್ಯೊ.

16 ಅಮರ್‌ವಾಪರ್ ಖಾಣಪಾಣಿನಿ ಬಾರೇಮಾಬಿ ಪೂಜ್, ಅಮಾಖ್ವ್ ಸಬ್ಬತ್ ಕರಿ ಅನಿಬಾರೇಮ ಕೋಣ್‌ಬಿ ತುಮುನ ಗಲ್ಲಿವಾಳಕರಿ ತೀರ್ಪ್ ನಾಕರ್ದ್.

17 ಆ ಅಖ್ವು ಅಗಾಡಿ ಅವುಧೂತೆ ಕಾಮ್ಮಿ ಛಾಯ ಹುಯಿರುಸ್, ಕತೋಬಿ ಯೋ ಅಖ್ವಾನು ಖ್ವಾಚುರೂಪ್ ಕ್ರಿಸ್ತಸ್.

18 ಥೋಡುಜಣು ದೇವ್‌ದೂತರ್ದ್ ಆರಾಧನೆಮಾಬಿ ದಿಲ್‌ಲಗಾಡಿರ್ದವಾಳ ಹುಯಿನ್, ಹಮುನ ದರ್ಶನಹುಯುಕರಿ ಬಡೈಮಾರಿಲೀನ್, ಜಗತ್‌ನು ಅಕ್ಕಲ್‌ಧಿ ಕಾಯಿಸ್‌ಕೊಂತೆ ಫುಲಿರ್ದವಾಳನ ತುಮಾರು ಮಳಿರ್ದೂತೆ ಇನಾಮ್ ಛಿನ್ನೆಲಾವನಿತರ ನಕೊ ಕರ್ತು.

19 ಶನಕತೊ ಅಧ್ರಾನವಾಳು ಕ್ರಿಸ್ತಕರಿ ಬೋಲಾನು ಮುಡ್‌ಕ್ಯಾನ್ ಜೋಡ್ಡ ಸಂಬಂದ್ ಕಾಡಿಲ್ಯಾವಾಳು ಹುಯಿರ್ದೇಸ್. ಯೋ ಮುಡ್‌ಕೇಫಿಸ್ ಶರೀರ್ ಖ್ವಾರೂಸ್ ಕೀಲ್, ನ್ಹಾರ್‌ನ ಹೋಣುತೆ ಶಕತ್‌ದೀನ್ ಅಜ್ಜು ಎಕ್ವಹುಯಿನ್ ಶರೀರ್ ಬಣ್ಣು ಯೋ ದೇವ್ ದೇಸ್ತೆ ಬರ್ಗಡ್ಲಿ ಭಡ್ತುಹುಯಿನ್ ಆವಸ್.

ಮರಾನು ಜಿವಾನು ಕ್ರಿಸ್ತನಿ ಜೋಡ್ಡಾನ್

20 ಏಕ್‌ಬಾರ್ ತುಮೆ ಕ್ರಿಸ್ತನಿ ಜೋಡ್ತ ಜಗತ್ತ್ ಆತ್ಮಮ ಮರ್ದೀರ ಉಶೇತೊ, ಅಜ್ಜೂಬಿ ಜಗತ್‌ವಾಳನಿತರಸ್ ಬಚಿನ್ ತುಮೆ ಶನ ಜಿವ್ಣುಕರುಕರಸ್? ಅಮ್ಮಿ ಹುಕುಮ್‌ನಲೀನ್ ಶನ ಚಾಲವಾಳ ಹುಯಿರ್ದಾಸ್?

21 “ಆ ನಕೊ ಛೀಮ್! ಯೋ ನಕೊ ಲಭತ್‌ದೇಕ್! ಇನ ನಕೊಧರ್! ಕರಿ ಬೋಲಾನು ಶನ? ಅಮ್ಮಿ ನಿಯಮ್ಮ ಚಲವಾನು ಶನ?

22 ಜಗತ್ತ್ ಬಾರೇನು ಆ ನಿಯಮ್‌ಖ್ತಾರು, ಶಿಕಾನುಖ್ತಾರು ಉಪಯೋಗ್ ಕರೀನ್ ಭರ್ಕಾಯೇತೆ ರಾಲ್ತನಿ ಪರಕ್ತ ಛಾ. ಯೋ ಖ್ತಾರು ಅದ್ಮೆವ್‌ನು ಹುಕುಮ್ ಅಜ್ಜು ಬೋಧನ್ನಸ್ ಪಣಿ ದೇವ್ನು ಕಾಹೆ.

23 ಅಮ್ಮಿ ಶಿಕಾನುಖ್ತಾರು ಅದ್ಮಿನು ಸೋಚ್‌ನಿತರ ದೆಖೈಲಾವಧಿಬಿ, ಶಾಂಧಾರ್‌ನಿತರಬಿ ಅಜ್ಜು ಇವ್ಣ್ ಶರೀರ್‌ನ ನಿಶತ್ ಕರಿಲ್ಯಾವನು ಆಕ್ಮಲ್‌ನುಕರಿ ದೆಖಾವಸ್. ಕತೋಬಿ ಯೋ ಶರೀರ್‌ನು ಆಖ್ವನ್ ಖ್ವಮಾಳಿಲ್ಯಾವಧಿ ಶನೂಬಿ ಫಾಯಿದೊ ಕೊಹುವಾನಿ.

3

1 ತುಮೆ ಕ್ರಿಸ್ತನಿ ಜೋಡ್ತ ಜಿವ್ಣುಹುಯಿನ್ ಉರೀನ್ ಆವಾನು ರ್ದಯೂತೊ ಸೊರ್ಗಮ ರ್ದೈಯ್ತೆ ಇನಾಸ್ ಥೂಂಡೊ, ಹಿಜ್ಜಾ ಕ್ರಿಸ್ತ ದೇವ್ನು ಖಾವಿಬಾಜ್ಜುಮ ಬೆರೋಸ್.

2 ಪರಲೋಕ್ನು ಛಾತೆ ಇನಿ ಬಾರೇಮ ಸೋಚೊ, ಜಗತ್‌ಮ ಛಾತೆ ಇನಿ ಬಾರೇಮ ಕಾಹೆ.

3 ಶನಕತೊ ತುಮೆ ಮರಿರ್ದಾಸ್ನಿ ತುಮಾರೊ ಜಾನ್ ಕ್ರಿಸ್ತನಿ ಜೋಡ್ತ ದೇವ್‌ಮ ಓರೆ ಹುಯಿರ್ದಾಸ್.

4 ತುಮುನ ಜಾನ್ ಹುಯಿರ್ದಾಸ್ತೆ ಕ್ರಿಸ್ತ ದೆಖಾವನಿ ವಖ್ವಾತೆ ತುಮೇಬಿ ಇನಿ ಜೋಡ್ತ ಮಹಿಮೆಮ ದೆಖಾವ್‌ಶು.

ಜೂನು ಜಿವ್ಣು ಅಜ್ಜು ನವು ಜಿವ್ಣು

5 ಇನಖ್ವಾಜೆ ತುಮಾರಮ ಛಾತೆ ಜಗತ್ತಿ ಆಖ್ವಾಅಖ್ವು ಕತೊ; ವ್ಯಬಿಚಾರ್, ಮೈಲುಹುವಾನು, ಭೋಗ್ನಿ ಆಖ್ವ್ ಅಜ್ಜು ಖರಾಬ್

ಆಖ್ಯ ಮೂರತ್ನ ಆರಾಧನೆನಿ ಘೋಣಿ ಹುಯಿರತ್ತೆ ನಿಕ್ಳೊ ಜಾನ್, ಅಥ್ರಾನು ಅಖ್ಖು ಮಾರಿ ನಾಖೊ.

6 ಆ ಅಖ್ಖಾನ ಕಾಮ್ನ ಅವಿಧೇಯ ರಕ್ಷಿಸ್ತೆ ಇವ್ವಪರ್ ದೇವ್‌ನೊ ಇರಾದೊ ಲ್ಲಡಾಸ್.

7 ಏಕ್ ಹಗಾಮ್ನ ತುಮೇಬಿ ಎಥ್ರಾನ ಖ್ವಾರಾಮ ಜಿವ್ವರಕ್ಷಿನ್ ಯೋ ಅಖ್ಖಾನ ಚಲಾವ್‌ತಾಥ.

8 ಹಮ್ಕೆತೋಬಿ ಇರಾದೊ, ದಾವೊ, ಬಳಾವೊ, ಚಾವ್‌ಣ್ಯ, ತುಮಾರ ಮ್ಹೊಡೆಡಿ ನಿಕ್ಕಾತೆ ಖರಾಬ್‌ವಾತೆ ಯೋಅಖ್ಖಾನ ಮ್ಹೊಲಿದೆವೊ.

9 ಏಕ್‌ಥಿಏಕ್ ಝೂಟಿ ಬೋಲ್ತ ನಕೊರ್ಟಿವೊ, ಶನಕತೊ ತುಮೆ ಜೂನಿ ಆದತ್‌ನ ಇನ ಕಾಮ್ನಿ ಜೋಡ್ಡ ಕಾಡಿನಾಖಿದಿದ.

10 ಅಜು ನವಿ ಚಾವ್‌ಭಾವ್ನ ಉಬ್‌ಜಾಯೋತೆ ಇನಿ ರೂಪ್‌ಮ ಗ್ಯಾನ್ನಿತರಸ್ ಯೊ ನವು ಹೋತು ಆವಸ್.

11 ಆ ನವ ಜಿವ್ವಮ ಯೆಹೂದ್ಯಕಾಹೇತೆ ಅಜು ಯೆಹೂದ್ಯವಾಳೊ ಕರಿ ಫರಕ್ ಕೊಯ್ನಿ, ಖ್ವತ್ನ ಕರೈರಾಖವಾಳು, ಕರೈರಾಖಕೊಂತೆ ಕರಿ ಫರಕ್‌ಕೊಯ್ನಿ, ಮಾಲುಮ್‌ರ್ದವಾಳು ನಾಮಾಲುಮ್ ರ್ದವಾಳುಕರಿ ಫರಕ್ ಕೊಯ್ನಿ. ಆಳ್, ಯಜಮಾನ್‌ಕರಿ ಫರಕ್ ಕೊಯ್ನಿ. ಕತೋಬಿ ಕ್ರಿಸ್ತಸ್ ತಮಾಮ್‌ಬಿ ಹರೇಕ್‌ಮ ರ್ದವಾಳೊ ಹುಯಿರಕ್ಷಿನ್.

12 ಇನಖ್ವಾಜೆ ದೇವ್‌ಥಿ ಚೂಣೈಗಯು ಹುಯುಬಿ, ಪರಿಶುದ್ಧರಬಿ ಪ್ಯಾರ್‌ನ ಹುಯಿರಕ್ಷಿ ತುಮೆ ಗೋರ್, ದಯಾ, ಹೇಟು ಹುವಾನು, ಶೇದೇವ್‌ಥಿ, ಖ್ವಮಾಳಾನು ಕರಿ ಆಖ್ವಾರು ಅಲ್ಟಿಗುಣ್‌ನ ಭರಕ್ಷಿಲೆವೊ.

13 ಏಕ್‌ಥಿ ಏಕ್ ಖ್ವಮಾಳಿರ್ದವೊ. ಕಿನಾಖ್ವಾಜೆಬಿ ಫಿರಾದ್ ಮಾಂಡಾನು ಉಶೇತೋಬಿ, ಪ್ರಭು ತುಮುನ ಮಾಪ್ ಕರಕ್ಷಿಂತೆ ತಿಮ್ಮಸ್ ತುಮೇಬಿ ಮಾಪ್ ಕರೊ.

14 ಅಜು ಭರ್‌ಪೂರಮ ಅಖ್ಖುಜ್ಜಣು ಒಗ್ಗಟ್‌ಥಿ ಭಂದೈರಕ್ಷಿನ್ ಪ್ಯಾರಮ ಭರೈರ್ದವೊ.

15 ಕ್ರಿಸ್ತನಿ ಸಮಾಧಾನ್ ತುಮಾರ ದಿಲ್ಚಿ ಚಲಾವನ ಮ್ಹೊಲೊ. ಇನಖ್ವಾಜೇಸ್ ತುಮೇಬಿ ಎಕ್ಕ್‌ಸ್ ಶರೀರ್ ಹುಯಿರಕ್ಷಾವನಿತರ

ಬುಲೈರೈಶು ಆ ನಾಹುಯಿನ್ ಧನ್ಯವಾದ್ ಕರಾವಾಳ ಹುಯಿರೈವೊ.

16 ಕ್ರಿಸ್ತನು ವಚನ್ ತುಮಾರಮ ಭಡ್ತುಹುಯಿನ್ ಜಿವಾದೆ. ಹರೇಕ್ ಅಕ್ಕಲ್ಮಮ ಏಕ್‌ಥಿ ಏಕ್ ಶಿಕ್ತುಹುಯಿನ್ ಉಪದೇಶ್ ಕರತಾಹುಯಿನ್, ಅಕ್ಕಲ್ ಬೋಲ್ತುಹುಯಿನ್ ಕೀರ್ತನೆಥೀಬಿ, ಸ್ತುತಿನು ಗೀದ್‌ಥೀಬಿ ಆತ್ಮೀಕ್ ಗೀದ್‌ಥೀಬಿ ಅಚ್ಚು ತುಮಾರ ದಿಲ್ಮ ದೇವ್ ಧನ್ಯವಾದ್ನು ಗೀದ್ ಬೋಲೊ.

17 ತುಮೆ ವಾತೇಥಿರೈವೊ ಕಾಮ್‌ಥಿರೈವೊ ಶಾತ್ ಕರೈತೋಬಿ ಯೋಖ್ವಾರು ಪ್ರಭು ಯೇಸುನ ನಾಮ್‌ಥಿ ಕರೊ, ಇನೇಥಿಸ್ ಬಾ ದೇವ್ ಧನ್ಯವಾದ್ ಕರೊ.

ನವು ಜಿವ್ವಮ ಶೊಂತ್ ಕುಟುಂಬ್‌ಅಮ್ಮಿ

18 ತಯೆಡಾವೊ, ಪ್ರಭುನ ಲ್ಹಾಯೇಕ್‌ನಿ ಪರಕ್ತು ತುಮಾರ ಬಾವ್ರಿಯೇನಿ ದಾಬುಕ್ತುರೈವೊ.

19 ಬಾವ್ರಿಯೆ, ತುಮಾರಿ ಬಾವ್ಣೆನ ಪ್ಯಾರ್‌ಕರೊ, ಇವ್ವಿ ಜೋಡ್ಡ ಕರಣ್‌ಥಿ ನಕೊ ಚಾಲಿಲೆವೊ.

20 ಲಡ್ಕಾವೊ, ಖ್ವಾರೀಸ್ ಬಾರೇಮ ತುಮಾರ ಆಯಬಾನ ಹೇಟು ಹುಯಿರೈವೊ. ಶನಕತೊ ಆ ಪ್ರಭುನ ನಚ್ಚರ್ಮ ಪಸಂದ್ ಹುಯಿರೈವೊ.

21 ಬಾವೊ ತುಮಾರ ಲಡ್ಕಾವ್ ಛೇಡ್ಡೆನ್ ಇವ್ವುನ ಮ್ಹೋದಿಲ್ ನಕೊಕರೊ.

22 ಚಾಕ್ರಿ ಕರಾವಾಳವೊ ತುಮಾರೊ ಜಗತ್‌ನು ಯಜಮಾನ್ ಯೋ ದೇಮಿಕರಾನಿ ವಖ್ವತ್ ಖಲಿ ವಿಧೇಯ ಹುಯಿನ್ ಚಾಕ್ರಿ ಕರಾವಾಳ ನಾರ್ವೇವ್ವತೆ ಪ್ರಭುನ ಡರ್‌ಭಕ್ತಿನ ದಿಲ್‌ವಾಳ ಹುಯಿನ್ ಕಾಮ್‌ಕರೊ.

23 ತುಮೆ ಶಾತ್‌ಕರೈತೋಬಿ ಯೋ ಅದ್ವಿನಖ್ವಾಜೆ ಕರಿ ನಾಕರೈತೆ ಪ್ರಭುನಖ್ವಾಜೆಸ್ ಕರಿ ಪೂರದಿಲ್‌ಥಿ ಕರೊ.

24 ಪ್ರಭುಥಿ ಸೇವೆನು ಪ್ರತಿಫಲ್ ಮಳ್‌ಶೇಕರಿ ಖ್ವಿಯಾಲ್ಮ ರಾಖಿರಾಖೊ. ಪ್ರಭು ಕ್ರಿಸ್ತ ಅದ್ಮೆವ್‌ನ ಕರೈತೆ ವಾಗ್ವಾನ್ ತುಮಾರ ಯಾದ್ವರೈವಾದೆ.

25 ರಗಾವವಾಳೊ ಬರೋಬರ್‌ನು ನಿಶತ್ ಲೀಲಿಶೆ. ಇನಾಮ ಬೇದ್‌ಭಾವ್ ಕೊಯ್ತೆ.

4

1 ಯಜಮಾನವೊ, ತುಮಾರ ಚಾಕ್ರಿ ಕರವಾಳನ ನ್ಯಾವ್‌ಧಿರ್ದವಾನು ಅಜ್ಜು ಬರೋಬರ್ ರ್ದವಾನೂಬಿ ಕರೊ. ಶನಕತೊ ಪರ್‌ಲೋಕ್‌ಮ ತುಮುನಾಬಿ ಯಜಮಾನ್ ಛಾಕರಿ ಮಾಲುಮ್ ಛಾ.

ಮಾರಗ್ ದೆಖಾಡನು

2 ಹೊಷಾರ್‌ಧಿ ರ್ಡ್ವಿನ್ ಧನ್ಯವಾದ್‌ಕರಾವಾಳ ಹುಯಿರ್ದ್ವಿನ್ ಕದೇಬಿ ಪ್ರಾರ್ಥನೆ ಕರ್ತರ್‌ಲೆವೊ.

3 ಯೋಸ್ ವೇಳ್ ಹಮೆ ಕ್ರಿಸ್ತನಿ ಮಾಯ್ನಿ ವಾತೆ ಬೋಲಾನ ದೇವ್ ಹಮಾರ್‌ಖಾಜೆ ಬಾಕಲ್ ಉಖಾಣಿತರ ಪ್ರಾರ್ಥನೆಕರೊ. ಅನಖಾಜೆಸ್ ಮೇ ಜೇಲ್‌ಮ ಛೂತೆ.

4 ಅಮ್ ಆ ಖಾಚ್‌ನ ಮೇ ಅದ್ಮೆವ್‌ನ ಬರೋಬರ್‌ಧಿ ಬೋಲಿ ವತಳಾನಿತರ ಹುವಾದೆ.

5 ತುಮುನ ಮಳಾನಿ ಮೋಕಾನ ಬರೋಬರ್‌ಧಿ ಉಪಯೋಗ್ ಕರಿಲಿನ್, ವಿಶ್ವಾಸ್ಮನಾರ್ದವಾಳನಿ ಜೋಡ್ ಅಕ್ಲಿನಿತರ ಚಾಲಿಲೆವೊ.

6 ತುಮೆ ವಾತೆಬೋಲಾನಿ ವಖ್ತ್‌ಮ ಕದೇಬಿ ವಾರ್‌ಖಾಣಿ ತರಾಬಿ ಅಜ್ಜು ರುಚ್‌ನಿತರ ರ್ದವಾದೆ. ಅಮ್ಮಿಪರಕ್ ತುಮೆ ಹರೇಕ್ ಭಣನಾಬಿ ಕಿಮ್ ಜವಾಬ್‌ದೇವ್ಣು ಕರಿಬೋಲಾನು ಮಾಲುಮ್ ಕರಿಲಿಶು.

ಖ್ವರ್ತಿನಿ ಖ್ವಲಾಮ್

7 ಪ್ಯಾರ್‌ನೊ ಭೈಬಿ ವಿಶ್ವಾಸ್‌ನೊ ಸೇವಕ್‌ಬಿ ಅಜ್ಜು ಪ್ರಭುನಿ ಸೇವೆಮ ಛಾತೆ ತುಖಿಕ ಮಾರಿ ಬಾರೇನಿ ವಾತೆಖಾರಿ ತುಮುನ ಖ್ವಮ್‌ಜಾಡ್‌ಶೆ.

8 ತುಮೆ ಹಮಾರಿ ಬಾರೇಮ ಮಾಲುಮ್‌ಕರಿಲೆವ್ಣು ಕರಿ ಅಜ್ಜು ತುಮಾರ ದಿಲ್ವ ಹುಮ್ಮಖ್ ಕರಾವನಕರಿ ಇನ ತುಮಾರಕನ ಮೋಕ್ಲಿರಾಖ್ಯೊಸ್.

9 ತುಮಾರಮ ವಿಶ್ವಾಸ್‌ವಾಳೊ ಅಜ್ಜು ಲಾಡ್‌ನೊ ಭೈ ಓನೇಸಿಮನಿ ಜೋಡ್ಡ ಇನ ಮೇ ಮೋಕ್ಲಿರಾಖ್ಯೊಸ್. ಇವ್ಣೆ ಹಜ್ಜ ಛಾಲುಕರಾತೆ ವಾತೆಖ್ಹಾರಿ ಖ್ವಮ್‌ಜಾಡ್‌ಶೆ.

10 ಮಾರಿ ಜೋಡ್ಡ ಜೇಲ್‌ಮಱಾತೆ ಅರಿಸ್ತಾರ್ಕಬಿ ಅಜ್ಜು, ಬಾರ್‌ಬನೊ ಸಂಬಂದ್‌ವಾಳೊ ಮಾರ್ಕ್ ತುಮುನ ಖ್ವಲಾಮ್ ಬೋಲಾಸ್, ಮಾರ್ಕ್‌ನಿ ಬಾರೇಮ ತುಮೆ ಹುಕುಮ್ ಲೀರಾಖ್ಯಾಸ್ಸಿ ಯೋ ಏಕ್ ವೇಳ್ ತುಮಾರಕನ ಆಯೋತೊ ಇನ ಮಳ್ಳೆಲೆವೊ.

11 ಯೂಸ್ತಕರಿ ಬೋಲೈಲಿದೋತೆ ಯೇಸುಬಿ ತುಮುನ ಖ್ವಲಾಮ್‌ಕರಸ್. ದೇವ್ವ ರಾಜ್ಯನಖ್ವಾಜೆ ಮಾರಿಜೋಡೆ ಜೋಡ್ಡಕಾಮ್ ಕರಾವಾಳೊ ಹುಯಿರೊಸ್. ಯೆಹೂದ್ಯರ್‌ಹುಯಿರ್ದ್ತೆ ಅವ್ಣೆಥೀಸ್ ಕಾಮ್‌ಕರಾಮ ಮನ ಭಾಲಿ ಹುಯು.

12 ತುಮಾರಮ ಕ್ರಿಸ್ತ ಯೇಸುನೊ ದಾಸ ಹುಯಿರ್ದ್ತೊತೆ ಎಪಫ್ರಬಿ ತುಮುನ ಖ್ವಲಾಮ್ ಬೋಲಾಸ್, ತುಮೆ ಪುರ್ಗುಲ್ ಹುಯಿರ್ದ್ತೊಣು ಕರೀಬಿ ಖ್ವಾರಾಸ್ ಕಾಮ್ ದೇವ್ನಿ ಅಖ್ವಿ ಖ್ವಾಜ್‌ನಿ ಬಾರೇಮ ಪೂರ ಮಾಲುಮ್ ಕರಿರಾಖವಾಳ ಹುಯಿರ್ದ್ತೆವ್ವಕರಿ ಹೈರೋತೆ ತುಮಾರಖ್ವಾಜೆ ಮನ್‌ಲಗಾಡಿನ್ ಕದೇಬಿ ಪ್ರಾರ್ಥನೆಮ ಹುಮ್ಮಖ್ ಲೀರಾಖವಾಳೊ ಹುಯಿರ್ದ್ತೊಸ್.

13 ಹೈರೋತೆ ತುಮಾರಖ್ವಾಜೇಬಿ ಲವೊದಿಕೀಯ ಅಜ್ಜು ಹಿರಿಯಪೋಲಿಯನ ಅದ್ಮೆವ್‌ನ ಖ್ವಾಜೇಬಿ ಯೋಫಣು ವಾಖ್ಯೊ ಪಡುಕರಸ್ಕರಿ ಇನಿ ಬಾರೇಮ ಮೇ ಸಾಕ್ಷಿ ಹುಯಿರ್ದ್ತೊಸ್.

14 ಪ್ಯಾರ್‌ನೊ ಪೊಂಡಿತ್ ಹುಯಿರ್ದ್ತೊತೆ ಲೂಕ ಅಜ್ಜು ದೇಮ ತುಮುನ ಖ್ವಲಾಮ್ ಬೋಲಾಸ್.

15 ಲವೊದಿಕೀಯಮ ಲಾತೆ ಭೈಯೇ ಭೇನೆನಾಬಿ ಅಜ್ಜು ನುಂಫಕರಿ ಬೋಲೈಲ್ಯವಾಳಿ ಅಜ್ಜು ಇನಫರಾಮ ಮಳೀನ್ ಆವಾತೆ ಸಬೇನಾಬಿ ಬೋಲೈಕ್‌ಕರಿ ಬೊಲ್ಡೆ.

16 ಆ ಚಿಟ್ಟಿನ ತುಮೆ ಪಠಾನ ಬಾದ್ಡ ಲವೊದಿಕೀಯವಾಳನಿ ಸಬೆಮಾಬಿ ಪಠಾವೊ. ಇಮ್ಮಸ್ ಲವೊದಿಕೀಯಾಥು ಆಯುತೆ ಚಿಟ್ಟಿನ

ಮಂಗೈನ್ ತುಮೇಬಿ ಪಢೊ.

17 ಅರ್ಖಿಪ್ಪನ, “ತೂ ಪ್ರಭುಧಿ ಲೀಲಿದೋತೆ ಸೇವೆನ ಚಲಾವನ ಹುಷಾರ್ಧಿ ರ್ಡ್ಲೆನ್ ಪೂರಹೊಣು” ಕರಿ ಬೋಲೊ.

18 ಪೌಲಕರಿ ಮೇ ಮಾರ ಹಾತೇಧಿಸ್ ಲೀಖ್ತೊತೆ ಖ್ವಲಾಮ್ ಹುಯಿರೀಸ್. ಮೇ ಜೇಲ್ಮ ಥೋಕರಿ ಬೋಲಾನು ಯಾದ್ ಕರಿಲೆವೊ. ದೇವ್‌ನೊ ವಾರ್‌ಖ್ವೊತುಮಾರಿ ಜೋಡ್ತು ರ್ಡ್ಲವಾದೆ.

ದೇವ್ವಿ ಖಾಜಿ ವಚನ್

The New Testament in the Vaagri Booli language of India: ದೇವ್ವಿ ಖಾಜಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖಾಜಿ ವಚನ್ ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06